



Publicaziuns officialas dils 12-01-2018

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 104/2017

Cornelia Derungs, 7172 Rabiun; montascha d'in indrez solar sper il baghetg nr. 610C sin parcella nr. 4216 a Rabiun-Tschechs.

Nr. 105/2017

Peter Egloff, 8003 Turitg; nova cuvrida dil tetg dil baghetg nr. 35 sin parcella nr. 1538 a Sumvitg-Sum il Vitg.

Nr. 107/2017

David Deplazes, 7173 Surrein; lavurs da manteniment vid tetg da slondas dil baghetg nr. 572A sin parcella nr. 4264 a Surrein-Chischnès.

Nr. 109/2017

Peter e Rosalinda Wild-Curschellas, 7173 Surrein; isolaziun e cuvrida dalla fatschada dil baghetg nr. 318 sin parcella nr. 1432 a Surrein-Reits.

Sumvitg, 12-01-2018

Cumissiun da baghegiar

Publicaziun davart novas restricziuns da traffic

1. La suprastanza communal da Sumvitg intenziunescha d'introducir las suandontas restricziuns da traffic sin intschess dalla vischnaunca:

Scamond general da carrar en omisduas direcziuns, signal nr. 2.01

tabla supplementara: cura che via ei cuvretga cun neiv

2. El decuors digl onn 2017 ha la meglieraziun da Sumvitg construiu la via Chischliun - Laits - Clavadi.
3. Las restricziuns da traffic previdas ein sebasond sigl art. 7 al 1 e 2 dalla lescha introductiva tier la lescha da traffic vegnidas lubidas dalla polizia cantunala cun disposiziun dils 21-12-2017.
4. Objecziuns e posiziuns pertuccont las suranumnadas restricziuns da traffic ein da far a scret e cun motivaziun enteifer 30 dis naven dil di da publicaziun alla suprastanza communal. Suenter l'examinaziun dallas objecziuns ni posiziuns inoltradas decida la suprastanza communal e publichescha la decisiun el feagl official cantunal cun l'indicaziun dils mieds legals alla Dertgira administrativa dil cantun Grischun.

Sumvitg, 12-01-2018

Suprastanza communal

Protocol dalla radunonza communal dils 15-12-2017

Naven dils 12-01-2018 ei il protocol dalla radunonza communal dils 15-12-2017 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Ils cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Sumvitg, 12-01-2018

Administraziun communal

Novas uras da spurtegl

Naven digl 1. da schaner 2018 ha l'administraziun communal novas uras da spurtegl. Daniev ei il spurtegl aviarts la gievgia suentermiezdi naven dallas 16:00 entochen las 17:00 uras. Las ulteriuras uras da spurtegl restan sco tochen dacheu:

gliendisdis, mesjamna, gievgia e venderdis	08:00 – 11:00	16:00 – 17:00
mardis	08:00 – 11:00	16:00 – 18:00

Nus supplichein per enconuschientscha.

Sumvitg, 12-01-2018

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 12-01-2018

Departament stradal

Uniun samaritana Sumvitg-Trun

Caras commembras e commembers dall'uniun, la radunonza generala da noss'uniun ha liug **venderdis, ils 19 da schaner 2018** allas 19.30 ell'ustria «Cruna» a Sumvitg. L'invitaziun persunala cun ils documents per la radunonza han tuts retschiert per mail. Nus selegrein sin stedia participaziun. *La suprastonza*

Preavis

L'uniun samaritana Sumvitg-Trun porscha el decuors dil meins da mars 2018 in cuors d'empem agid a Sumvitg. Ils dis fixai ein ils 8/13/15/20/22 da mars. El decuors dil fevrer suonda ina secunda publicaziun cun la pussevkladad da s'annunziar.

Uniun da catschadurs Greina

Invitaziun alla radunonza generala

Venderdis, ils 19-1-2018, allas 20.00 ell'«Ustria dalla Staziun», Sumvitg.

Bugen envidein Tei alla suranumnada radunonza cun las suandontas tractandas:

1. Beinvegner ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols a) radunonza generala
 b) radunonza avon catscha
5. Rendaquen: a) cassa dall'uniun
 b) cassa da tgira
6. Fixar las contribuziuns annualas e taxas da sittar
7. Rapports annuals: a) president
 b) cau da tgira
8. Mutaziuns
9. Elecziuns: a) actuar
 b) cassier
 c) cau da tgira
10. Program da lavur
11. Orientaziun da catscha entras nies guardiaselvaschinas Andriu Degonda
12. Eventualas propostas per mauns dil district I per la radunonza da delegai dil BKPJV 2019
13. Varia

Nus selegrein gia ussa da seveser cun Tei a caschun da nossa radunonza. *La suprastonza*

Corporaziun d'alps Sumvitg

Radunonza dils purs da nuorsas

Mesjamna, ils 24 da schaner 2018 allas 20.00 ustria «Staziun», Sumvitg

Tractandas

1. Beinvegner ed appel
2. Elecziun d'in dumbravuschs
3. Approbaziun dil protocol dalla davosa radunonza
4. Presentaziun dil quen 2017
5. Proposta elecziun cuitg
6. Orientaziuns
7. Varia

La suprastonza

Radunonza generala

Mesjamna, ils 31 da schaner 2018 allas 20.00 ustria «Crana», Sumvitg

Tractandas

1. Beinvegner ed appel
2. Elecziun da dus dumbravuschs
3. Approbaziun dil protocol
4. Rendaquen 2017
5. Mutaziuns
6. Elecziun cuitgs e suprastonza
7. Midada da statuts
8. Midada d'ordinaziuns
9. Investiziuns
10. Orientaziuns
11. Varia

La suprastonza